

„Сухотинский“ совхозин ӧрӧл

джила кӧдлмшин дигӧс

Шидр Приозерн района «Сухотинский» совхозд фермсин залачирин, тоочирин, малин эмчирин, зоотехникӱдин болн оln малчирин хург болв.

Эн хург деер совхозин директор ӱр Зунгруев С. зургъан сарин эргцд кегдсн кӧдлмшин туск доклад кев. Тӱӱнӧ хӧӧн, ах зоотехник А. Г. Подснорин, малин ах эмч И. И. Бойченко, ах тооч Попов босдж ӱг келцӧв.

Эн джилин тӱрӱн ӧрӧлднӱ малиг хӧлӧдж асрлгън ик татута болсн учрар, малас авгддг оln-зӱсн эдл-уш зӧвӧр багърв. Тер тӧлӧд, совхоз 1,5 сай арслнъга гарута болв.

Цааранднӱ ӱн седклӧн тӧвдж кӧдлдж, ӧӧрхн цагин эргцд цуг дуту-дундан уга кехин тӧлӧ зӱткх болдж эди шиидвр авцхав.

Малд йовх улст ик оньган ӧгч, цӧӧлгъврин кӧдлмш тасрхан уга теднд кедж, цуг кӧдлмшчнр дунд социалистическ дӧрлдӧ ӧргӧр делгрӱлхми гицхӧв.

Эн совхозин негдгч фермин коллективд (залгчнӱ, ӱр Богаев Сандж) ӱзмджтӧ кӧдлмш кеснднӱ, совхозин дамдждж ӧггддг Улан туг бӧрӱлгдв.

М. НАТЫРОВ.

**КПСС-н Приозерн райномин
инструктор.**